

Is coláiste samhraidh Gaeltachta é Coláiste Bhríde a sholáthraíonn cúrsaí Gaeilge do scoláirí idir 10 mbliana agus 18 mbliana.

Faoi réir na riachtanais a fhaightear san Acht um Thús Áite do Leanaí 2015, Tús Áite do Leanaí: Treoir Náisiúnta um Chosaint agus Leas Leanaí 2017, Nósanna Imeachta um Chosaint Leanaí do Bhunscoileanna agus d'Iar-Bhunscoileanna 2017 agus Treoir Tusla ar Ráitis Cosaint Leanaí a ullmhú, chomhaontaigh Coiste Feidhmiúcháin Choláiste Bhríde ar an Ráiteas um Chosaint Leanaí atá leagtha amach sa doiciméad seo.

- 1 Ghlac Coiste Feidhmiúcháin Choláiste Bhríde mar chuid den Ráiteas um Chosaint Leanaí ginearálta seo, le cáipéis na Roinne: Nósanna Imeachta um Chosaint Leanaí do Bhunscoileanna agus d'Iar-Bhunscoileanna 2017, agus cuirfidh sé i bhfeidhm é go hiomlán agus gan aon athrú
- 2 Is é/í **príomhoide an chúrsa** an Phearsa Idirchaidrimh Ainmnithe (PIA)
- 3 Is é/í **leas-phríomhoide an chúrsa** an Leas-Phearsa Idirchaidrimh Ainmnithe (LPIA)

Cúrsa	DLP (Samhradh 2023)	DDL (Samhradh 2023)
A	Lochlainn Mac An Chnoic	Conchúr Ó Fearáin
B1	Breandan Ó Dufaigh	Bríd Ní Bhriain
B2	Peadar Ó Catháin	Breandán Ó Dufaigh
C	Niall Ó Sluáin/Pádraig Mac Conmhaigh	Aisling Ní Shluáin
D	Pádraig Mac Conmhaigh	Rachel Nic An tSagairt
E	Frank Ó Maoláin	Conchúr Ó Fearáin

- 4 Aithníonn Coiste Feidhmiúcháin Choláiste Bhríde go mbaineann ceisteanna cosaint agus leas leanaí le gach gné de shaol an Choláiste agus gur gá iad a léiriú i ngach ceann de bheartais, nósanna imeachta, cleachtas agus gníomhaíochtaí an Choláiste. Cloifidh an Coláiste ina cuid beartas, nósanna imeachta, cleachtas agus gníomhaíochtaí leis na prionsabail dea-chleachtas seo a leanas i dtaca le cosaint agus leas leanaí:

Maidir leis an Choláiste de:

- Aithneoidh sé go bhfuil cosaint agus leas leanaí barrthábhachtach, beag beann ar gach ceist eile;
- cloifidh sé go hiomlán lena dhualgais reachtúla faoin Acht um Thús Áite do Leanaí agus faoi aon reachtaíocht ábhartha eile i dtaca le cosaint agus leas leanaí;



- comhoibreoidh sé go hiomlán leis na húdaráis reachtúla chuí i dtaca le ceisteanna a bhaineann le cosaint agus le leas leanaí;
- gabhfaidh sé chuige féin cleachtais shábháilte chun na féidearthachtaí go dtarlódh díobháil nó taimí do leanaí a laghdú agus chun oibrithe a chosaint ó bheith ag glacadh rioscaí nach gá a d'fhéadfadh iad a fhágáil oscailte do líomhaintí mí-úsáide nó neamairt;
- forbróidh sé cleachtas oscailteachta le tuismitheoirí agus spreagfaidh sé na tuismitheoirí chun baint a bheith acu in oideachas a gcuid páistí; agus
- cloífidh sé go hiomlán le riachtanais rúndachta agus é ag plé le ceisteanna cosaint leanaí.

Cloífidh an Choláiste fosta leis na prionsabail thuas i dtaca le haon scoláire aosach a bhfuil soghontacht speisialta ag baint leis.

5 Tá na nósanna imeachta / bearta seo a leanas faoi réir:

- I ndáil le haon bhall foirne arb é ábhar aon fhiosrúcháin é (cibé cén dóigh a gcuirtear síos air) i ndáil le haon ghníomh, faillí nó toisc i dtaca le páiste a dhéanann freastal ar an Choláiste cloíonn an Choláiste leis na nósanna imeachta cuí atá leagtha amach i gCaibidil 7 de Nósanna Imeachta um Chosaint Leanaí do Bhunscoileanna agus d'Iar-Bhunscoileanna 2017 agus leis na nósanna imeachta araíonachta ábhartha aontaithe do bhaill foirne an Coláiste atá foilsithe ar shuíomh gréasáin ROS.
- I dtaca le roghnúchán nó le hearcaíocht na foirne agus mná tí agus a n-oiriúnacht chun obair a dhéanamh le páistí, cloíonn an coláiste le riachtanais reachtúla ghrinnfhiosrúcháin na nAchtanna um an mBiúró Náisiúnta Grinnfhiosrúcháin (Leanaí agus Daoine Soghonta) 2012 go 2016 agus leis an treoir ghinearálta um dhualgas cúraim atá leagtha síos i ngrinnfhiosrúchán an Gharda Síochána agus i gclár cláin chuí earcaíochta a d'fhoilsigh ROS agus atá ar fáil ar shuíomh gréasáin ROS.
- I dtaca le soláthar faisnéise agus, mar is gá, teagasc agus oiliúint a sholáthar, do bhaill foirne agus do mhná tí maidir le heachtraí díobhála a aithint (faoi mar a shainmhínítear san Acht 2015) -
 - ⊕ Thug an Coláiste cóip de Ráiteas um Chosaint Leanaí na Coláiste do gach ball foirne agus do gach bean a'tí
 - ⊕ Cinntíonn an Coláiste go bhfaigheann gach ball nua foirne cóip de Ráiteas um Chosaint Leanaí an Choláiste.
 - ⊕ Spreagann an Coláiste an fhoireann agus na mná tí chun tairbhe a bhaint as oiliúint ábhartha
 - ⊕ Spreagann an Coláiste baill den Choiste Feidhmiúcháin chun tairbhe a bhaint as oiliúint ábhartha
 - ⊕ Coimeádann Coiste Feidhmiúcháin Choláiste Bhríde taifid de gach ócáid oiliúna a bhíonn ag baill foirne agus Coiste.



- I dtaca le hábhair imní faoi chosaint leanaí a thuirisciú do Tusla, bíonn ar gach ball foirne cloí leis na nósanna imeachta atá leagtha amach in Nósanna Imeachta um Chosaint Leanaí do Bhunscoileanna agus d'Iar-Bhunscoileanna 2017, lena n-áirítear i gcás múinteoirí cláraithe, iad siúd a bhaineann le tuairisciú faoi shainordú faoin Acht um Thús Áite do Leanaí.
 - Sa Choláiste seo tá an PIA thuas-ainmnithe ceaptha ag an Bhord Feidhmiúcháin mar an “duine ábhartha” (mar a shonraítear san Acht um Thús Áite do Leanaí) le bheith ina chéad phointe teagmhála i dtaca leis an Ráiteas um Chosaint leanaí.
 - Faoin Acht um Thús Áite do Leanaí is daoine faoi shainordú gach múinteoir cláraithe atá fostaithe ag an Choláiste.
 - I gcomhréir leis an Acht um Thús Áite do Leanaí 2015, rinne an Bord Feidhmiúcháin measúnú ar aon dochar féideartha do pháiste le linn dóibh a bheith ag freastal ar Choláiste Bhríde, lá agus oíche. Tá measúnú scríofa ina leagtar amach na réimsí riosca a aithníonn an Coláiste agus nósanna imeachta an Choláiste le déileáil leis na rioscaí sin curtha mar aguisín leis na nósanna imeachta seo.
 - Is féidir teacht ar na nósanna imeachta éagsúla a dtagraítear dóibh sa Ráiteas seo trí shuíomh gréasáin an Choláiste ar shuíomh gréasán ROS nó cuirfidh an Coláiste iad ar fáil ach iad a iarraidh.
- 6 Foilsítear an ráiteas seo in áit phoiblí sa choláiste Tá sé ar fáil go furasta ag tuismitheoirí agus ag caomhnóirí ach é a iarraidh. Cuirfear cóip den Ráiteas seo ar fáil do Tusla agus don Roinn má iarrtar í.
- 7 Déanfar an Ráiteas um Chosaint Leanaí seo a athbhreithniú ar bhonn bliantúil nó chomh luath agus is féidir tar éis athrú ábhartha ar bith in aon cheist lena mbaineann an ráiteas seo.

Ghlac Coiste Feidhmiúcháin Choláiste Bhríde leis an Ráiteas um Chosaint Leanaí seo ag cruinniú na Cásca ar 15 Aibreán 2023.

Síniú: p.p. *Niall Ó Mháin*

Cathaoirleach an Choiste Feidhmiúcháin

Dáta: 15 Aibreán 2023

Síniú: *Juan de facto*

Rúnaí an Choláiste

Dáta: 15 Aibreán 2023